

zenoesi vogavano su e zo dil ponte, e do bregantini armati de zenoesi di volontà, e stavano cussi dubitando de ussir. Era 11 altre galie al ponte in schiera, di le qual ne tolseno una e la menò a Castelnovo di Ferara per volerla armar, e tre altre, e aspetavano 300 homeni de l'imperator per forza per montar su dite galie et armarle, zoè presonieri et homeni di mal afar. Et in Ferara si dicea esser zonto a Veniexia parecchie velle con zente suso pezo cha' turchi e temeno assa' di questo, el ducha non sapea che far; e in Ferara da carne in fuora è abundantia etc. Sabato parti da Ferara con alcuni merchadanti brexani, andavano a Lonzam, et zonti a Santo Alberto alozò a l'hostaria questi merchadanti cridò: Marco, Marco e si lamentò de francesi, e lui poi la matina vene a Veniexia per aqua. Dice à visto tutte le zente si volteria contra francesi, e il gran maistro dimandò a missier Zuan Giacomo quante zente ha venitiiani in Campo, rispose il Campo di vinitiani è da Liza Fusina fino a Gieradada per il mal portamento de vostri francesi. *Item*, el capitano de l'impresa a Lignago sarà dito missier Zuan Giacomo. *Item*, il re non è per venir in Italia, starà verso Lion e Garnopoli per saper nuove de qui preste. *Item*, li oratori zenoesi tornati a Zenoa hanno dito non passerà questo anno i monti. *Item*, quelli di Pavia si lamentava dil saltristo li venia dato, tolto a Ferara, e pagavano per bon, e tutti li soi formazi si guastavano.

- 153* *Copia di alcuni capitoli di lettere di sier Pelegrin Venier, quondam sier Domenego in diversi zorni, date a Palermo.*

Lettera, di 24 april. L'è venuto un galion, parti zà zorni 10, aferma la liga esser rifermata fra l'imperador, Franza, Spagna, Ingaltera e il papa, tutti scrive per il simel, e affaticarsi assai per componer le cosse nostre, e tutto reussir mal contra de nui, e lui *etiam* esser soa arte, non posendo per esserne contra, a fin con turchi non ve prevaleste, e aver finto. Per dita via se intende come le zente di la Signoria à corso sul veronese e fato danno assai, e pasar zente de Franza et Alemagna, e cussi da Roma fo scritto par el mondo tutto da novo sia contra de nui, e armada come dizeno potente da mar e de Bertagna ne aspeta assai, e da Zenoa, e quella è in Barbaria tutta a una hora puoleno esser contra e venir in colfo o passar in Cypri. Vuj mi scrivetvi si fa armada e dubito sia nulla: tutte nave e galie se voria far tal forzo se schazasse li inimici dove sono; romani lontan da caxa fono vitoriosi, apresso

Roma sempre perso, e svegliasse le bandiere e simulacri de li nostri antiqui progenitori, e uniti con timor de Dio e senza odio ne avaritia siate presti a difender la libertà e Signoria nostra, e aver davanti gli ochi l'imperador Paleologo de Constantinopoli che disse, hessendo persuaso a fuzir da turchi combatendo *malo amittere vitam cum imperio quam vitam ducere sine imperio* e cussi mori l'imperador.

Questa è volontà de Dio, e dandone forze e volontà sua se defenderemo fin Dio el sa, de pacti ne fede non vi infidate. Assai ve dissi di questa liga de Ingaltera ne mai ne feci cavedal e Dio sia con nui, non ne puol far danno ma utele sì. Vien dito come la Signoria à do campi in Friul e in veronese e armate 60 galie tra sotil e bastarde e nave, Dio voglia ch'el non sia zanza, perchè a quel sento dubito ch'el bisogna. Et se dise quel che conquista l'imperador sia per l'ariducha e volerlo far re de romani, e per questo Spagna consentir ch'è suo nepote e darli gran favor. L'efecto se vederà, e dubito assai, è troppo del fato de la Patria se tal sono uniti, vuj pensate condir e far submission, zuova farlo, e con un' arte solla dubito del fenzer non si vadi sotto: non n'era lizito ai fioli de Isdrael combater el sabato ne per ofender ne per defenderse, e Matatias padre de Machabei Juda e fratelli permesse 154 e combatè per defenderse e rupe li samaritani, Davit re fuzi d' Absalon suo fiol a tuor socorso da altri populi de quelli de Isdrael et ebbe victoria *et quaecumque scripta et dicta sunt ad nostram doctrinam dicta ei scripta sunt*, e de molti populi ve poria dir, e cussi dovea far li signori nostri e ajutarsi con turchi, e servar el dito di quel savio filosofo atheniese come vi ho dito altre volte *virii athenienses videte qui dum celestia servare cupitis terrestria non amittatis*: la istoria vi l'ho dita, sichè si vuol far el tutto e non temer e sperar nel poder de Dio, el qual in sua podestà stà ogni regno e imperio e vede e compone tutti, come dise Platone parlando de Dio al proposito *tu habes mundi terminos etc.* Et son lettere di Rodi, di 13 dil preterito, per le qual se ha de l'armar de la galeaza de Savona do barze, 4 galie e fina numero 20 velle de fuste bone per custodir da quelle parte a confini de Rodi, e che Camali archipyrate famosissimo esser morto, et è cosa certa. *Tamen* non fu vero.

Nota. Eri parti di questa terra per andar in Po soto il capitano, barche 32 armate a l'armamento di le contrade e altrove. *Item*, fo mandà in Campo ducati 6000.